

Ո Ր Ո Շ ՈՒ Մ 24/11

Մաքսային վճարների գանձման վերաբերյալ

<< 09 >> դեկտեմբերի 2014թ.

ք. Երևան

ՀՀ Ֆինանսների նախարարության << Զվարթնոց >> մաքսատան պետ Վ. Թամրազյանս, ուսումնասիրելով <<Գնահատում>> ՍՊԸ-ի (ՀՎՀՀ՝ 00258133, ք. Երևան, Պողոսյան 2-24) կողմից 2009թ. հուլիսի 9-ին <<ներմուծում ազատ շրջանառության համար>> մաքսային ռեժիմով ձևակերպված ապրանքների մաքսային ձևակերպման փաստաթղթերը՝

Պ Ա Ր Զ Ե Ց Ի

09.07.2009թ. <<Գնահատում>> ՍՊԸ-ն C-12125 ԲՄՀ-ով <<ներմուծում ազատ շրջանառության համար>> մաքսային ռեժիմով հայտարարագրել է 1 հատ մետաղների լվացման ուլտրաձայնային վաննա: Հայտարարագիրը 10.07.2009թ. ընդունվել է մաքսային մարմինների կողմից, ինչի կապակցությամբ հայտարարագրի վրա նշվել է հայտարարագրի ընդունման համարը, ամիսը և ամսաթիվը (L-10900 առ 10.07.2009թ.):

ՀՀ մաքսային օրենսգրքի 25-րդ հոդվածի համաձայն՝ <<ներմուծում ազատ շրջանառության համար>> ռեժիմը կարգավորում է ապրանքների և տրանսպորտային միջոցների ներմուծումը Հայաստանի Հանրապետության մաքսային տարածք՝ առանց հետագա արտահանման պարտավորության: Մաքսային այս ռեժիմի շրջանակներում օրենքով սահմանված չափով և դեպքերում գանձվում են մաքսային վճարներ:

09.07.2009թ. C-12125 ԲՄՀ-ով <<ներմուծում ազատ շրջանառության համար>> մաքսային ռեժիմով հայտարարագրված ապրանքների համար ենթակա է վճարման ավելացված արժեքի հարկ՝ 3,886 դրամ և մաքսավճար՝ 6.500 դրամ:

10.07.2009թ. վճարվել է 6.500 դրամ մաքսավճարի գումար՝ C-12125 առ 09.07.2009թ. ԲՄՀ-ի համար:

<<Ավելացված արժեքի հարկի մասին>> ՀՀ օրենքի 6.1 հոդվածի համաձայն՝ 09.07.2009թ. C-12125 ԲՄՀ-ով ներմուծված ապրանքների ԱԱՀ-ի վճարման ժամկետը հետաձգվել է հայտարարագրման օրվանից մեկ տարի ժամկետով՝ մինչև 10.07.2010թ., սակայն վերջինս սահմանված ժամկետում չի վճարվել:

<<Ավելացված արժեքի հարկի մասին>> ՀՀ օրենքի 6.1 հոդվածի 3-րդ մասի համաձայն՝ ՀՀ ապրանքների ներմուծման դեպքում մաքսային մարմինների կողմից հաշվարկված ԱԱՀ-ի գումարները վճարվում են ԱԱՀ-ի վճարման հետաձգման ժամկետը դադարելու օրվան հաջորդող 10 օրյա ժամկետում:

<<Հարկերի մասին>> ՀՀ օրենքի 23-րդ հոդվածի համաձայն՝ հարկի վճարումը սահմանված ժամկետից ուշացնելու դեպքում ժամկետանց յուրաքանչյուր օրվա համար հարկ վճարողը վճարում է տույժ՝ ժամանակին չմուծված հարկի գումարի 0.15%-ի չափով:

Հիմք ընդունելով <<Գնահատում>> ՍՊԸ-ի C-12125 ԲՄՀ-ն և ԳՀԱՀ բաժնի 04.12.2014թ. թիվ 25 տեղեկանքը՝ 09.12.2014թ. դրությամբ ՀՀ պետական բյուջե ենթակա են վճարման **6,014 դրամ** մաքսային վճարներ, որից **3,886** դրամը ԱԱՀ-ի գումար և **2,128** դրամը ԱԱՀ-ի տույժի գումար:

Ելնելով վերոգրյալից և ղեկավարվելով ՀՀ Մաքսային օրենսգրքի 25-րդ, <<Ավելացված արժեքի մասին>> ՀՀ օրենքի 6-րդ, <<Հարկերի մասին>> ՀՀ օրենքի 23-րդ և <<Վարչարարության հիմունքների և վարչական վարույթի մասին>> ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. <<Գնահատում>> ՍՊԸ-ից հոգուտ պետական բյուջեի գանձել **6,014** դրամ մաքսային վճար:
2. Որոշման մասին օրենքով սահմանված կարգով տեղյակ պահել <<Գնահատում>> ՍՊԸ-ին:

Որոշումն ուժի մեջ է մտնում այն ստանալու պահից և <<Վարչարարության հիմունքների և վարչական վարույթի մասին>> ՀՀ օրենքի 10-րդ գլխի նորմերին համապատասխան՝ կարող է 2 ամսյա ժամկետում բողոքարկվել վերադասության կարգով կամ ՀՀ Վարչական դատավարության օրենսգրքով սահմանված կարգով՝ վարչական դատարան:

Որոշումը կամավոր չկատարելու դեպքում այն կկատարվի <<Դատական ակտերի հարկադիր ծառայության>> միջոցով՝ պարտապանի հաշվին:

<<Զվարթնոց>> մաքսատան պետ՝



Վ.Թամրազյան